

四庫全書

集部

欽定四庫全書

集部

樂府詩集卷二十一
至三

詳校官庶吉士臣柳邁祖

助教臣常循覆勘

總校官知縣臣繆琪

校對官編修臣秦瀛

謄錄監生臣孫永基

欽定四庫全書

樂府詩集卷二十一

宋 郭茂倩 輯

橫吹曲辭

橫吹曲其始亦謂之鼓吹馬上奏之蓋軍中之樂也北狄諸國皆馬上作樂故自漢已來北狄樂總歸鼓吹署其後分為二部有簫笳者為鼓吹用之朝會道路亦以給

賜漢武帝時南越七郡皆給鼓吹是也有
鼓角者為橫吹用之軍中馬上所奏者是
也晉書樂志曰橫吹有鼓角又有胡角按
周禮云以鼗鼓鼓軍事舊說云蚩尤氏帥
魑魅與黃帝戰於涿鹿帝乃始命吹角為
龍鳴以禦之其後魏武北征烏丸越沙漠
而軍士思歸於是減為半鳴尤更悲矣橫
吹有雙角即胡樂也漢博望侯張騫入西

域傳其法於西京唯得摩訶兜勒一曲李
延年因胡曲更造新聲二十八解乘輿以
為武樂後漢以給邊將和帝時萬人將軍
得用之魏晉以來二十八解不復具存而
世所用者有黃鵠等十曲其辭後亡又有
關山月等八曲後世之所加也後魏之世
有簫邏迴歌其曲多可汗之辭皆燕魏之
際鮮卑歌辭虜音不可曉解蓋大肉曲

也又古今樂錄有梁鼓角橫吹曲多叙慕容垂及姚泓時戰陣之事其曲有企喻等歌三十六曲樂府胡吹舊曲又有隔谷等歌三十曲總六十六曲未詳時用何篇也自隋已後始以橫吹用之鹵簿與鼓吹列為四部總謂之鼓吹並以供大駕及皇太子王公等一曰柷鼓部其樂器有柷鼓金鉦大鼓小鼓長鳴角次鳴角大角七種柷

鼓金鉦一曲夜警用之大鼓十五曲小鼓
九曲大角七曲其辭並本之鮮卑二曰鐃
鼓部其樂器有歌鼓簫笳四種凡十二曲
三曰大橫吹部其樂器有角節鼓笛簫篳
篥笳桃皮篳篥七種凡二十九曲四曰小
橫吹部其樂器有角笛簫篳篥笳桃皮篳
篥六種凡十二曲夜警亦用之唐制太常
鼓吹令掌鼓吹施用調習之節以備鹵簿

之儀而分五部一曰鼓吹部其樂器如隋
柷鼓部而無大角柷鼓一曲十疊大鼓十
五曲嚴用三曲警用十二曲金鈺無曲以
為鼓節小鼓九曲上馬用一曲嚴警用八
曲長鳴一曲三聲上馬嚴警用之中鳴一
曲三聲用與長鳴同二曰羽葆部其樂器
如隋鐃鼓部而加鐸于凡十八曲三曰鐃
吹部其樂器與隋鐃鼓部同凡七曲四曰

大橫吹部其樂器與隋同凡二十四曲黃
鍾角八曲中呂宮二曲中呂徵一曲中呂
商三曲中呂羽四曲中呂角四曲無射二
曲五曰小橫吹部其樂器與隋同其曲不
見疑同用大橫吹曲也凡大駕行幸則夜
警晨嚴大駕夜驚十二曲中警七曲晨嚴
三通皇太子夜警九曲公卿已下夜警七
曲晨嚴並三通夜警衆一曲轉次而振也

漢鏡吹曲

樂府解題曰漢橫吹曲二十八解李延年
造魏晉已來唯傳十曲一曰黃鵠二曰隴
頭三曰出關四曰入關五曰出塞六曰入
塞七曰折楊柳八曰黃覃子九曰赤之楊
十曰望行人後又有關山月洛陽道長安
道梅花落紫騮馬驄馬雨雪劉生八曲合
十八曲

隴頭

陳後主

一本無
姓氏

一曰隴頭水通典曰天水郡有大阪名曰隴坻亦曰隴山即漢隴關也三秦記曰其坂九回上者七日乃越上有清水四注下所謂隴頭水也

隴頭征戍客寒多不識春驚風起嘶馬苦霧雜飛塵投錢積石水飲轡交河津四面夕冰合萬里望佳人

同前

張籍

隴頭已斷人不行胡騎夜入涼州城漢家處處格鬪死
一朝盡沒隴西地驅我邊人胡中去散放牛羊食禾黍
去年中國養子孫今著犢裘學胡語誰能更始李輕車
收取涼州屬漢家

隴頭吟

王維

長安少年遊俠客夜上戍樓看太白隴上明月迴臨關
隴上行人夜吹笛關西老將不勝愁駐馬聽之雙淚流
身經大小百餘戰麾下偏裨萬戶侯蘇武纔為典屬國

節旌空盡海西頭

同前

翁綬

隴水潺湲隴樹黃
征人隴上盡思鄉
馬嘶斜月朔風急
雁過寒雲邊思長
殘月出林明劒戟
平沙隔水見牛羊
橫行俱足

一作是

封侯者誰斬樓蘭獻未央

隴頭水

梁元帝

銜悲別隴頭
關路淩悠悠
故鄉迷遠近
征人分去留
沙飛曉成幕
海氣旦如樓
欲識秦川處
隴水向東流

同前

劉孝威

從軍戍隴頭隴水帶沙流時觀胡騎飲常為漢國羞
妻成兩劍殺子祀雙鉤頓取樓蘭頸就解郅支裘勿令
如李廣一作李牧功遂不封侯

同前

車敫

隴頭征人別隴水流聲咽只為識君恩甘心從苦節雪
凍弓弦斷風鼓旗竿折獨有孤雄劍龍泉字不滅

同前

陳後主

塞外飛蓬征隴頭流水鳴漠處揚沙暗波中燥葉輕地
風冰易厚寒深溜轉清登山一回顧幽咽動邊情
高隴多悲風寒聲起夜叢禽飛暗識路鳥轉逐征蓬落
葉時驚沫移沙屢擁空回頭不見望流水玉門東

同前

徐陵

別塗聳千仞離川懸百丈攢荆夏不通積雪冬難上枝
交隴底暗石礙坡前響回首咸陽中唯言夢時往

同前

顧野王

隴底望秦川
迢遞隔風烟
蕭條落野樹
幽咽響流泉
瀚海波難息
交河冰未堅
寧知蓋山水
逐節越危絃

同前

謝 燮

隴陂望咸陽
征人慘思腸
咽流喧斷岸
遊沫聚飛梁
鳬分斂冰彩
虹飲照旗光
試聽鏡歌曲
唯吟君馬黃

同前

張正見

隴頭鳴四注
征人逐貳師
羌笛含流咽
胡笳雜水悲
湍高飛轉駛
澗淺蕩還遲
前旌去不見
上路杳無期

隴頭流水急流急行難度

一作渡

遠入隗囂營傷侵酒泉

路心交賜寶刀小婦成紈袴欲知別家久戎衣今已故

同前

江總

隴頭萬里外天崖四面絕人將蓬共轉水與啼俱咽驚
湍自湧沸古樹多挫折傳聞博望侯苦辛提漢節

霧暗山中日風驚隴上秋徒傷悲咽響不見東西流無
期從此別更度幾年幽遙聞玉關道望入杳悠悠

同前

楊師道

隴頭秋月明隴水帶關城
笳添離別曲風送斷腸聲
映雪峰猶暗乘冰馬屢驚
霧中寒雁至沙上轉蓬輕
天山傳羽檄漢地急徵兵
陣開都護道劒聚伏波營
於茲覺無度方共濯胡纓

同前

盧照隣

隴坂高無極征人一望鄉
關河別去水沙塞斷歸腸
馬繫千年樹旌懸九月霜
從來共鳴咽皆是為勤王

同前

王建

隴水何年隴頭別不在山中亦嗚咽

一作嗚咽

征人塞耳

馬不行未到隴頭聞水聲謂是西流入蒲海還聞北海

一作去

繞龍城隴東隴西多屈曲野麋飲水長簇簇胡兵

夜回水傍住憶著來時磨劍處向前無井復無泉放馬

回看隴頭樹

同前

于漬

借問隴頭水終年恨何事深疑嗚咽聲中有征人淚昨
日上山下達曙不能寐何處接長波東流入清渭

同前

僧皎然

隴頭心欲絕，隴水不堪聞。
碎影搖槍壘，寒聲咽幔軍。
素從鹽海積，綠帶柳城分。
日落天邊望，逶迤入塞雲。

秦隴逼氐羌，征人去未央。
如何幽咽水，併欲斷君腸。
西注悲窮漠，東分憶故鄉。
旅魂聲攪亂，無夢到遼陽。

同前

鮑溶

隴頭水，千古不堪聞。
生歸蘇屬國，死別李將軍。
細響風凋草，清哀雁落雲。

同前

羅隱

借問隴頭水年年恨何事全疑嗚咽聲中有征人淚自
古無長策況我非深智何計謝潺湲一宵空不寐

出關

魏徵

中原還逐鹿投筆事戎軒縱橫計不就慷慨志猶存策
杖謁天子驅馬出關門請纓羈南越憑軾下東藩鬱紆
陟高岫出沒望平原古木吟寒鳥空山啼夜猿旣傷千
里目還驚九折魂豈不憚艱險深懷國士恩季布無二

諸侯羸重一言人生感意氣功名誰復論

入關

吳均

羽檄起邊庭烽火亂如螢是時張博望夜赴交河城馬
頭要落日劒尾掣流星君恩未得報何論身命一作是傾

同前

賈馳

河上微風來關頭樹初濕今朝關城吏又見孤客入上
國誰與期西來徒自急

同前

張祐

都城連百二雄險北

一作此

回環地勢遙尊岳河流側讓

關秦皇曾虎視漢祖亦龍顏何事梟軀干戈自不閒

出塞

晉書樂志曰出塞入塞曲李延年造曹嘉

之晉書曰劉疇嘗避亂塢壁賈胡百數欲

害之疇無懼色援笳而吹之為出塞入塞

之聲以動其游客之思於是羣胡皆垂淚

而去按西京雜記曰戚夫人善歌出塞入

塞望歸之曲則高帝時已有之疑不起於
延年也唐又有塞上塞下曲蓋出於此

候騎出甘泉奔命入居延旗作浮雲影陣如明月弦

同前

劉孝標

蘇門秋氣清飛將出長城絕漠衝風急交河夜月明
陷敵縱金鼓摧鋒揚旆去去無終極日暮動邊聲

同前

王褒

飛蓬似征客千里自長驅塞禽唯有雁關樹但生榆背

山看故壘繫馬識餘蒲還因麾下騎來送月支圖

同前

楊素

漠南胡未空漢將復臨戎飛狐出塞北碣石指遼東冠
軍臨瀚海長平翼大風雲橫虎落陣氣抱龍城虹橫行
萬里外胡運百年窮共寢星芒落戰解月輪空嚴鑊息
夜斗駢角罷鳴弓北風嘶朔馬胡霜切塞鴻休明大道
暨幽荒日用同方就長安邸來謁建章宮

同前

薛道衡

高秋白露團上將出長安塵沙塞下暗風月隴頭寒轉
蓬隨馬足飛霜落劍端凝雲迷代郡流水凍桑乾烽微
桔槔遠橋峻輓轡難從軍多惡少召募盡材官伏堤時
卧鼓疑兵乍解鞍柳城擒冒頓長坂納呼韓受降今更
築燕然已重刊還嗤傳介子辛苦刺樓蘭

邊夜烽火驚挿羽夜徵兵少昊騰金氣文昌動將星辰
驅鞬汗北直指夫人城絕漠三秋暮窮陰萬里生寒夜
哀笳曲霜天斷雁聲連旗下鹿塞疊鼓向龍庭妖雲墜

虜陣暈月遶胡營左賢皆頓顙單于已繫纓絢馬登玄
闕鈎鯤臨北溟當知霍驃騎高第起西京

同前

虞世基

窮秋塞草腓塞外胡塵飛徵兵廣武至候騎陰山歸廟
堂千里策將軍百戰威轅門臨玉帳大旆指金微摧朽
無勅敵應變有先機銜枚壓曉陣卷甲解朝圍瀚海波
濶靜王庭氛霧晞鼓聲嚴朔氣原野曠寒暉勲庸震邊
服歌吹入京畿待拜長平坂鳴騶入禮闈

上將三略遠元戎九命尊緬懷古人節思酬明主恩山

西多勇氣塞北有遊魂楊桴度隴坂勒騎

一作馬

上平原

誓將絕沙漠悠然去玉門輕齎不遑舍驚策驚戎軒慄
慄邊風急蕭蕭征馬煩雪暗天山道冰塞交河源霧烽
黯無色霜旗凍不翻耿介倚長劒日落風塵昏

同前

賈威

匈奴屢不平漢將欲縱橫看雲方結陣却月始連營潛
軍渡馬邑揚旆掩龍城會勒燕然石方傳車騎名

同前

陳子昂

忽聞天上將關塞重橫行始返樓蘭國還向朔方城黃
金裝戰馬白羽集神兵星月開天陣山川列地營晚風
吹畫角春色耀飛旌寧知班定遠獨是一書生

同前

張易之

俠客重恩光驄馬飾金裝暫聞傳羽檄馳突救邊荒轉
戰磨笄地橫行戴斗鄉將軍占太白小婦怨流黃腰裏
青絲騎娉婷紅粉妝一春鶯度曲八月雁成行誰堪坐

秋思羅袖拂空牀

同前

沈佺期

十年通大漠萬里出長平
寒日生戈劍陰雲搖旆旌
飢烏啼舊壘疲馬戀空城
辛苦臯蘭北胡霜損漢兵

同前

王維

居延城外獵天驕白草連天野
火燒暮雲空磧時驅馬
秋日平原好射鵰護羌校尉朝
乘障破虜將軍夜渡遼
玉靶角弓珠勒馬漢家將賜霍嫖姚

同前

王昌齡

秦時明月漢時關
萬里長征人未還
但使龍城飛將在
不教胡馬度陰山

白花垣上望京師
黃河水流無盡時
窮秋曠野行人絕
馬首東來知是誰

同前

馬戴

金帶連環束戰袍
馬頭衝雪度臨洮
卷旗夜劫單于帳
亂斫胡兵缺寶刀

樂府詩集卷二十一

欽定四庫全書

樂府詩集卷二十二

宋 郭茂倩 輯

橫吹曲辭

漢橫吹曲

前出塞九首

杜甫

戚戚去故里悠悠赴交河
公家有程期亡命嬰禍羅
君已富土境開邊一何多
棄絕父母恩吞聲行負戈

出門日已遠不受徒旅欺骨肉恩豈斷男兒死無時走
馬脫轡頭手中挑青絲捷下萬仞崗俯身試褰旗
磨刀嗚咽水水赤刃傷手欲輕腸斷聲心緒亂已久丈
夫誓許國憤惋復何有功名圖麒麟戰骨當速朽

送徒既有長遠戍亦有身生死向前去不勞吏怒嗔路
逢相識人附書與六親哀哉兩決絕不復同苦辛

迢迢萬餘里領我赴三軍軍中異苦樂主將寧盡聞隔
河見胡騎倏忽數百羣我始為奴僕幾時樹功勲

挽弓當挽彊用箭當用長射人先射馬擒冠先擒王殺
人亦有限列國自有疆苟能制侵陵豈在多殺傷
驅馬天雨雪軍行入高山逕危抱寒石指落曾冰間已
去漢月遠何時築城還浮雲暮南征可望不可攀

單于寇我壘百里風塵昏雄劍四五動彼軍為我奔虜
其名王歸繫頸授轅門潛身備行列一勝何足論

從軍十年餘能無分寸功衆人貴苟得欲語羞雷同中
原有鬪爭況在狄與戎丈夫四方志安可辭固窮

後出塞五首

男兒生世間及壯當封侯戰伐有功業焉能守舊丘名
募赴薊門軍動不可留千金買馬鞭一作鞍百金裝刀頭
閭里送我行親戚擁道周班白居易上列酒酣進庶羞少
年別有贈含笑看吳鉤

朝進東門營暮上河陽橋落日照大旗馬鳴風蕭蕭平
沙列萬幕部伍各見招中天懸明月令嚴夜寂寥悲
笳數聲動壯士慘不驕借問大將誰恐是霍嫖姚

古人重守邊今人重高勲
豈知英雄王出師亘長雲
六合已一家四夷且孤軍
遂使貔虎士奮身勇所聞
拔劍擊大荒日收

一作收

胡馬羣誓開玄冥北持以奉吾君

獻凱日繼踵兩蕃靜無虞
漁陽豪俠地擊鼓吹笙竽
雲帆轉遼海粳稻來東吳
越羅與楚練照耀輿臺軀
主將位益崇氣驕陵上都
邊人不敢議議者死路衢

我本良家子出師亦多門
將驕益愁思身貴不足論
躍馬二十年恐辜明主恩
坐見幽州騎長驅河洛昏
中夜

間道歸故里但空村惡名幸脫免窮老無兒孫

出塞

皇甫冉

吹角出塞門前瞻即胡地三軍盡回首皆灑望鄉淚轉
念關山長行看風景異由來征戍客各負輕生義

同前

王之渙

黃砂直上白雲間一片孤城萬仞山羌笛何須怨楊柳
春光不度玉門關

同前

耿緯

漢家邊事重實憲出臨戎絕漠秋山在陽關舊路通列
營依茂草吹角向高風更就燕然石看銘破虜功

同前

張籍

秋塞雪初下將軍遠出師分營長記火放馬不收旗月
冷邊帳溼沙昏夜探遲征人皆白首誰見息烽時

同前

劉駕

朔風不開花四氣多作雪北人尚凍死況我本南越古
來沙漠地巡狩無遺轍九土耕不盡武皇猶征伐中天

有高閣圖畫何時歇坐恐塞上山低於砂中骨

出塞曲

劉濟

將軍在重圍音信絕不通羽書如流星飛入甘泉宮倚
是并州兒少年心膽雄一朝隨召募百戰爭王公去年
桑乾北今年桑乾東死是征人死功是將軍功汗馬牧
秋月疲兵卧霜風仍聞左賢王更欲圖雲中

同前

于鵠

微雪將軍出吹笳天未明觀兵登古戍斬將對雙旌分

陣瞻山勢潛軍制馬鳴如今新史上已有靖邊名

單于驕愛獵放火到軍城待月調新弩防秋置遠營空
山朱戟影寒磧鐵衣聲達著降人說陰山有伏兵

同前

僧貫休

掃盡狂氛跡回戈望故關相逢唯死關豈易得生還縱
宴參羌樂收兵過雪山不封十萬戶此事亦應閒
玉帳將軍意慙慙把酒論功高寧在我陣沒與招魂塞
色干戈束軍容喜氣屯男兒今始是敢出玉關門

回首隴山頭連天草木秋聖君應入夢半路遣封侯水
不擔陰雪柴令倒戍樓歸來麟閣上春色滿皇州

入塞

王 褒

戍久風塵色歟多意氣豪建章樓閣迴長安陵樹高度
冰傷馬骨經寒墜節旌行當見天子無假用錢刀

同前

何 安

桃林千里險候騎亂紛紛問此將何事嫖姚封冠軍回
旌引流雷歸蓋轉行雲待任蒼龍傑方當論次勲

同前

劉希夷

將軍陷虜圍邊務息戎機霜雪交河盡旌旗入塞飛曉
光隨馬度春色伴人歸課績朝明主臨軒拜武威

入塞曲

耿緯

將軍帶十圍重錦製戎衣猿臂銷弓力虬鬚長劍威首
登平樂宴新破大宛歸樓上姝姬笑門前問客稀暮烽
玄菟急秋草紫騮肥未奉君王詔高槐晝掩扉

同前

僧貫休

單于烽火動都護去天涯別賜黃金甲親臨白玉墀塞垣須靜謐師旅審安危定遠條支寵如今勝古時

方見將軍貴分明對冕旒聖恩如遠被狂虜不難收臣節唯期死功勲敢望侯終辭修里第從此出皇州

百里精兵動參差便渡遼如何好白日亦照此天驕遠樹深疑賊驚蓬迴似鵬凱歌何日唱磧路共天遙

同前

沈彬

欲為皇王服遠戎萬人金甲鼓輦中陣雲暗塞三邊黑

兵血愁天一片紅
半夜翻營旗攪月
深秋防戍劒磨風
謗書未及明君薨
卧骨將軍已歿功

苦戰沙間卧箭痕
戍樓間上望星文
生希國澤分偏將
死奪河源答聖君
鳶覩敗兵眠白日
馬驚邊鬼哭陰雲
功多地遠無人紀
漢閣笙歌日又曛

折楊柳

梁元帝

唐書樂志曰梁樂府有胡吹歌云上馬不
捉鞭反拗楊柳枝下馬吹橫笛愁殺行客

兒此歌辭元出北戎即鼓角橫吹曲折楊柳是也宋書五行志曰晉太康末京洛為折楊柳之歌其曲有兵革苦辛之辭按古樂府又有小折楊柳相和大曲有折楊柳行清商四曲有月節折楊柳歌十三曲與此不同

山高巫峽長垂楊復垂楊同心且同折故人懷故鄉山似蓮花艷流如明月光寒夜猿聲徹遊子淚霑裳

同前

柳惲

楊柳亂成絲攀折上春時
葉密鳥飛礙風輕花落遲
城高短簫發林空盡角悲
曲中別無意併是為相思

同前

劉邈

高樓十載別楊柳濯絲枝
摘葉驚開駛攀條恨久離
年年阻音息月月減容儀
春來誰不望相思君自知

同前

陳後主

楊柳動春情倡園妾屢驚入
樓含粉色依風雜管聲
武

昌識新種官渡有殘生還將出塞曲仍共胡笳鳴
長條黃復綠垂絲密且繁花落幽人逕步隱將軍屯谷
暗宵鉦響風高夜笛喧聊持暫攀折空足憶中園

同前

岑敬之

將軍始見知細柳繞營垂懸絲拂城轉飛絮上宮吹塞
門交度葉谷口暗還一作橫枝曲城攀折處唯言怨別離

同前

徐陵

嫋嫋河堤草依依魏主營江陵有舊曲洛下作新聲妾

對長楊苑君登高柳城春還應共見蕩子太無情

同前

張正見

楊柳半垂空裊裊上春中枝疎董澤箭葉碎楚臣弓色
映長河水花飛高樹風莫言限宮掖不閉長楊宮

同前

王瑳

塞外無春色上林柳已黃枝影侵宮暗葉彩亂星光陌
頭藏戲鳥樓上掩新妝攀折思為贈心期別路長

同前

江總

萬里音塵絕千條楊柳結不悟倡園花遠同天嶺雪春
心自浩蕩春樹聊攀折共此依依情無奈年年別

同前

盧照隣

倡樓啓曙扉園柳正依依鳥鳴知歲隔條變識春歸露
葉疑啼臉風花亂舞衣攀折聊將寄軍中書信稀

同前

沈佺期

玉牕朝日映羅帳春風吹拭淚攀楊柳長條踈地垂白
花飛歷亂黃鳥思參差妾自肝腸斷傍人那得知

同前

喬知之

可憐濯濯春楊柳攀折將來就纖手
妾容與此同盛衰何必君恩獨能久

同前

劉憲

沙塞三河道金閨二月春碧烟楊柳色紅粉綺羅人
露葉憐啼臉風花思舞巾攀持君不見為聽曲中新

同前

崔湜

二月風光半三邊戍不還年華妾自惜楊柳為君攀落

絮綠衫袖垂條拂髻鬟那看音信斷流涕望陽關

同前

韋承慶

萬里邊城地三春楊柳節葉似鏡中看花如關外雪征人遠鄉思倡婦高樓別不忍擲年華含情寄攀折

同前

歐陽瑾

垂柳拂妝臺歲蕤葉半開年華枝上見邊思曲中來嫩色宜新雨輕花伴落梅朝朝倦攀折征戍幾時回

同前

張祐

紅粉青樓曙垂楊仲月春懷君重攀折非妾妬腰身舞
帶縈絲斷嬌娥向葉嚙橫吹凡幾曲獨自最愁人

同前

張九齡

纖纖折楊柳持此寄情人一枝何足貴憐是故園春遲
景那能久流芳不及新更愁征戍客鬢老邊城塵

同前

余延壽

天道連國門東西種楊柳歲蕤君不見裊娜垂來久緣
枝棲暝禽雄去雌獨吟餘花怨春盡微月起秋陰坐望

牕中蝶起攀枝上葉好風吹長條婀娜如何妾妾見柳
園新高樓四五春莫吹胡塞一作笳曲愁殺隴頭人

同前

李白

垂楊拂綠水搖豔

一作豔

東風年花明玉關雪葉暖金窗

烟美人結長恨相對心悽然攀條折春色遠寄龍庭前

一作龍

沙邊

同前

孟郊

楊柳多短枝短枝多別離贈遠累攀折柔條安得垂青

春有定節離別無定時但恐人別促不怨來遲遲莫言
短枝條中有長相思朱顏與綠楊併在離別期
樓上春風過風前楊柳歌枝疎緣別苦曲怨為年多花
驚燕地雪葉映楚池波誰堪別離此征戍在交河

同前

李端

東城攀柳葉柳葉低著草少壯莫輕年輕年有人老柳
發遍州崗登高堪斷腸雨烟輕漠漠何樹近君鄉贈君
折楊柳顏色豈能久上客莫沾巾佳人正回首新柳送

君行古柳傷君情
突兀臨荒渡
娑娑出舊營
隋家兩岸盡陶宅
五株平日暮
偏愁望春山
有鳥聲

同前

翁綬

紫陌金堤映綺羅
遊人處處動離歌
陰移古戍迷荒草
花帶殘陽落遠波
臺上少年吹白雪
樓中思婦歛青蛾
殷勤攀折贈行客
此去關山雨雪多

樂府詩集卷二十二

欽定四庫全書

樂府詩集卷二十三

宋 郭茂倩 輯

橫吹曲辭

漢橫吹曲

望行人

王建

自從江樹秋日上

一作望

江樓夢見離珠浦書來在桂

州不願一作同魚比目

一作比目魚

終恨水分流久不開明鏡

多應是白頭

同前

張籍

秋風窻下起旅雁向南飛
日出門望家家行客歸
無因見邊使空待寄寒衣
獨閉青樓暮烟深鳥雀稀

關山月

梁元帝

樂府解題曰關山月傷離別也古木蘭詩
曰萬里赴戎機關山度若飛朔氣傳金柝
寒光照鐵衣按相和曲有度關山亦類此

也

朝望清波道夜上白登臺月中含桂樹流影自徘徊寒
沙逐風起春花犯雪開夜長無與晤衣單誰為裁

同前

陳後主

秋月上中天迴照關城前暈缺隨灰滅光滿應珠圓帶
樹還添桂銜峰乍似弦復教征戍客長願久連翩
戍邊歲月久恒悲望舒耀城逆接暈高澗風連影搖寒
光帶岫徙冷色含山峭看時使人憶為似嬌娥照

同前

陸瓊

邊城與明月俱在關山頭
焚烽望別壘擊斗宿危樓
團圓好扇纖纖秦女鈎
鄉園誰共此愁人屢益愁

同前

張正見

巖間度月華流彩映山斜
暈逐連城壁輪隨出塞車
唐
莫遙合影秦桂遠分花
欲驗盈虛理方知道路賒

同前二首

徐陵

關山三五月客子憶秦川
思婦高樓上當牕應未眠
星

旗映疎勒雲陣上祁連戰氣今如此從軍復幾年
月出柳城東微雲掩復通蒼茫縈白暈蕭瑟帶長風羌
兵燒上郡胡騎獵雲中將軍擁節起戰士夜鳴弓

同前

賀力牧

重關歛暮烟明月下秋前照石疑分鏡臨弓似引弦霧
一作雲暗迷旗影霜濃濕劍蓮此處離鄉客遙心萬里懸

同前

阮卓

關山陵漢開霜月正徘徊映林如壁碎侵塞似輪摧楚

師隨晦盡胡兵逐暖來寒
旂將夜鵲相亂曉聲哀

同前

王褒

關山夜月明秋色照孤城
影虧同漢陣輪滿逐胡兵
天寒光轉白風多暈欲生
寄言亭上吏遊客解鷄鳴

同前

江總

兔月半輪明孤關一路平
無期從此別復欲幾年行
映光書漢奏分影照胡兵
流落今如此長戍受降城

同前

盧照鄰

塞垣通碣石虜障抵祁連相思在萬里明月正孤懸影
移金岫北光斷玉門前寄書謝中婦時看鴻雁天

同前

沈佺期

漢月生遼海曠曠出半暉合昏玄兔

一作兔

郡中夜白登

圍暈落關山迴光含霜霰微將軍聽曉角戰馬欲南歸

同前

李白

明月出天山蒼茫雲海間長風幾萬里吹度玉門關漢
下白登道胡窺青海灣由來征戰地不見有人還戍客

望邊色

一作邑

思歸多苦顏高樓當此夜歎息未應閒

一作

還

同前

長孫左輔

淒淒還切切戍客多離別何處最傷心關山見秋月關

月竟如何由來遠近過始經玄兔

一作兔

塞終繞白狼河

忽憶秦樓婦流光應共已有得並蛾眉還知攬纖手去

歲照同行比翼復連形今宵照獨立顧影自粲粲餘暉

漸西落夜夜看如昨借問映旌旗何如鑒帷幕拂曉朔

風悲蓬驚雁不飛幾時征戍罷還向月中歸

同前

耿緯

月明邊徼靜戍客望鄉時塞古柳衰盡關寒榆發遲蒼
蒼萬里道戚戚十年悲今夜青樓上還應照一作有所思

同前二首

戴叔倫

月出照關山秋風人未還清光無遠近鄉淚中書間
一雁過連營繁霜覆古城胡笳在何處半夜起邊聲

同前

崔融

月生西海上氣逐邊風壯萬里度關山蒼茫非一狀漢
兵開郡國胡馬窺亭障夜夜聞悲笳征人起南望

同前

李端

露溼月蒼蒼關頭榆葉黃回輪照海遠分彩上樓長水
凍頻移幕兵疲數望鄉祇應城影外萬里共如霜

同前

王建

關山月營開道白前軍發凍輪當磧光悠悠照見三堆
兩堆骨邊風割面天欲明金沙一作沙嶺西看看沒

同前

張籍

秋月朗朗關山上，山中行人馬蹄響。
關山秋來雨雪多，行人見月唱邊歌。
海邊漠漠天氣白，胡兒夜度黃龍磧。
軍中探騎暮出城，伏兵暗處低旌戟。
溪水連地霜草平，野駝尋水磧中鳴。
隴頭風急雁不下，沙場苦戰多流星。
可憐萬國關山道，年年戰骨多秋草。

同前

翁綬

徘徊漢月滿邊州，照盡天涯到隴頭。
影轉銀河寰海靜，

光分玉塞古今愁
笳吹遠戍孤烽滅
雁下平沙萬里秋
況是故園搖落夜
那堪少婦獨登樓

同前

鮑氏君微

高高秋月明北照
遼陽城塞迴光初
滿風多暈更生征
人望鄉思戰馬聞
鞞驚一作聲朔風悲邊草
胡沙昏一作暗

虜營霜疑匣中劍
風憊原上旌
早晚謁金闕
不聞刁斗

聲一作鳴

洛陽道

簡文帝

洛陽佳麗所大道滿春光遊童時

一作初

挾彈蠶妾始提

筐金鞍照龍馬羅袂拂春桑玉車爭曉入潘果溢高箱

同前

梁元帝

洛陽開大道城北達城西青槐隨幔拂綠柳逐風低玉珂鳴戰馬金爪鬬場雞桑妾日行暮多逢秦氏妻

同前

沈約

洛陽大道中佳麗實無比燕裙傷日開趙帶隨風靡領上蒲桃繡腰中合歡綺佳人殊未來薄暮空徙倚

同前

庾肩吾

微道臨河曲
曾城傍洛川
金門纔出柳
洞井平含泉
日起采
愚外車回
雙闕前
潘生時未返
遙心徒眷然

同前

車敝

洛陽道八達
洛陽城九重
重關如隱起
雙闕似芙蓉
王孫重行樂
公子好遊從
別有傾人處
佳麗夜相逢

同前四首

陳後主

誼譁照邑里
遨遊出洛京
霜枝嬾柳發
水塹薄苔生
停

鞭回去影駐軸敞前覺臺上經相識城下屢逢迎踟躕

還借問只重未知名

遨遊一作遨遊

日光朝杲杲照耀東京道霧帶城樓開啼侵曙色早佳
麗嬌南陌香氣含風好自憐釵上纓不歎河邊草

建都開洛汭中地乃城陽縱橫肆八達左右闢康莊銅
溝飛柳絮金谷落花光忘情伊水側稅駕河橋傍

百尺瞰金埒九衢通玉堂柳花塵裏暗槐色露中光遊
使幽併客當壚京兆妝向夕風烟晚金羈滿洛陽

同前二首

徐陵

綠柳三春暗紅塵百戲

一作戰

多東門向金馬南陌接銅

駝華軒翼葆吹飛蓋響鳴珂潘郎車欲滿無奈擲花何

洛陽馳道上春日起塵埃濯龍望如霧

一作水

河橋度似

雷聞珂知馬蹀傍憶見菱開相看不得語密意眼中來

同前

岑敬之

喧喧洛水濱鬱鬱小平津路傍桃李節陌上採桑春聚
車看衛玠連手望安仁復有能留客莫愁嬌態新

同前

張正見

曾城啓旦扉上洛滿春暉柳影綠溝合槐花夾路

一作岸

飛蘇合彈珠罷黃間負翳歸紅塵莫不息相看連騎稀

同前

陳暄

洛陽九達

一作街

上羅綺四時春路傍避驄馬車中看玉

人鎮西歌豔曲臨溜逢麗神欲知雙璧價潘夏正連茵

同前

王瑳

洛陽夜漏盡九重平旦開日照蒼龍闕烟遶鳳凰臺浮

雲翻似益流水到成雷曹王關雞返潘仁載果來

同前二首

江總

德陽穿洛水伊闕過河橋仙舟李應棹小馬王戎鑣杏
堂歌吹合槐路風塵饒綠珠銜一作含淚舞孫秀彊相邀

小平路四達長秋聽五鍾玉節迎司隸錦車歸濯龍弦
歌聲不息環佩響相從花障蕩舟笑日映下山逢

同前

于武陵

浮世若浮雲千回故復新旋添青草塚更有白頭人歲

暮客將老雪晴山欲春行行車與馬不盡洛陽塵

同前

鄭 渥

客亭門外路東西多少喧騰事不齊楊柳惹鞭公子醉
紆麻掩淚魯人迷通宵塵土飛山月是處經營夾御堤
頃刻知音幾存沒半回依約認輪蹄

同前

陳後主

青槐夾馳道綠水映銅溝遠望陵霄闕遙看井幹樓黃
金彈俠少朱輪徹盛侯桃花離渡馬紛披聚陌頭

洛陽陌

李白

白玉誰家郎回車渡天津看花東上陌

一作陌上驚動洛陽

人

長安道

梁簡文帝

神臯開隴右陸海實西秦金槌

一作推輪

抵長樂複

一作復

道

向宜春落花依度幙垂柳拂行人金張及許史夜夜尚留賓

同前

元帝

西接長楸道南望小平津飛甍臨綺翼輕軒影畫輪雕
鞍承赭汗槐路起紅塵燕姬雜趙女淹留重上春

同前

庾肩吾

桂宮延複

一作復

道黃山開廣路遠聽平陵鍾遙識新豐

樹合殿生光彩離宮起烟霧日落歌吹回塵飛車馬度

同前

陳後主

建章通未央長樂屬明光大道移甲第甲第玉為堂遊
蕩新豐裏戲馬渭橋傍當壚晚留客夜夜苦紅妝

同前

顧野王

鳳樓臨廣路仙掌入烟霞章臺京兆馬逸陌富平車東
門疎廣饒北關董賢家渭橋縱觀罷安能訪狹斜

同前

阮卓

長安馳道上鍾鳴宮寺開殘雲銷鳳闕宿霧斂章臺騎
轉金吾度車鳴丞相來藹藹東都晚羣公駟御回

同前

蕭賁

前登灞陵岸

一作道

還瞻渭水流城形類北斗橋勢似牽

牛飛軒駕良駟寶劍雜輕裘經過挾斜裏日暮與淹留

同前

徐陵

輦道乘雙闕豪雄被五都橫橋象天漢法駕應坤圖韓
康賣良藥董偃驚明珠喧喧擁車騎非但執金吾

同前

陳暄

長安開繡陌三條向綺門張敞車單馬韓嫣乘副軒寵
深來借殿功多競買園將軍夜夜返絃歌著曙暄

同前

江總

翠蓋承輕

一作乘水

露金羈照落暉五侯新拜罷七貴早朝

歸轟轟紫陌上藹藹紅塵飛日暮延平客風花拂舞衣

同前

何妥

長安狹斜路縱橫四達分車輪鳴鳳轄箭服耀魚文五陵多任狹輕騎自連羣少年皆重氣誰識故將軍

同前

崔顥

長安甲第高入雲誰家居住霍將軍日晚朝回擁賓從路傍拜揖何紛紛莫言炙手手可熱須臾火盡灰亦滅

莫言貧賤即可欺人生富貴自有時一朝天子賜顏色
世上悠悠應始知

同前

孟郊

胡風激秦樹賤子風中泣家家朱門開得見不可入長
安十二衢投樹鳥亦急高閣何人家笙簧正喧吸

同前

顧況

長安道人無衣馬無草何不歸來山中老

同前

聶夷中

此地無駐馬夜中猶走輪所以路旁草少於衣上塵

同前

韋應物

漢家宮殿含雲烟兩宮十里相連延晨霞出沒弄丹闕
春雨依微自甘泉春雨依微春尚早長安貴遊愛芳草
寶馬橫來下建章香車却轉避馳道貴遊誰最貴衛霍
世難比何能蒙主恩幸遇邊塵起歸來甲第拱皇居朱
門戕戕臨九衢中有流蘇合歡之寶帳一百二十鳳凰
羅列含明珠下有錦鋪翠被之粲爛博山吐香五雲散

麗人綺閣情飄颻頭上鴛釵雙翠翹低鬟曳袖回春雪
聚黛一聲愁碧霄山珍海錯棄藩籬烹犢炮羔如折葵
既請列侯封部曲還將金印授廬兒歡榮若此何所苦
但苦白日西南馳

同前

白居易

花枝缺處青樓開豔歌一曲酒一杯美人勸我急行樂
自古朱顏不再來君不見外州客長安道一回來一回
老

同前

薛能

汲汲復營營東西連兩京關繻古若在山岳累應成各
自有身事不相知姓名交馳喧衆類分散入重城此路
去無盡萬方人始生空餘片言苦來往覓劉楨

同前

僧貫休

憧憧合合八表一轍黃塵霧合車馬火熱名湯風雨利
輾霜雪千車萬馱半宿關月上有堯禹下有夔高紫氣
銀輪兮常覆金闕仙掌捧日兮濁河澄澈愚將草木兮

有言與華封人兮不別

同前

王褒

槐衢回北第馳道度西宮樹陰連袖色塵影雜衣風採
桑逢五馬停車對兩童喧喧許史座鍾鳴賓未窮

同前

沈佺期

秦地平如掌層城出雲漢樓閣九衢春車馬千門旦綠
柳開復合紅塵聚還散日晚關雞回經過挾斜看



樂府詩集卷二十三

欽定四庫全書

集部

樂府詩集卷二十四至

詳校官庶吉士臣柳邁祖

助教臣常循覆勘

總校官知縣臣繆琪

校對官編修臣秦瀛

謄錄監生臣孫承基

欽定四庫全書

樂府詩集卷二十四

宋 郭茂倩 輯

橫吹曲辭

漢橫吹曲

梅花落

鮑照

梅花落本笛中曲也按唐大角曲亦有
大單于小單于大梅花小梅花等曲今其聲

猶有存者

中庭雜樹多偏為梅咨嗟問君何獨然念其霜中能作
花露中能作實搖蕩春風媚春日念爾零落逐風飈徒
有霜華無霜質

同前

吳均

終冬十二月寒風西北吹獨有梅花落飄蕩不依枝流
連逐霜彩散漫下冰澌何當與春日共映芙蓉池

同前

陳後主

金

一作春

砌落芳梅飄飄

一作零

上鳳臺拂妝疑粉散逐溜

似萍開映日花光動迎風香氣來佳人早插髻試立且

徘徊

楊柳春樓邊車馬飛風烟連娉烏孫伎屬客單于羶雁

聲不見書蠶絲欲斷絃欲持塞上蕊試落

一作立

將軍前

同前

徐陵

對戶一株梅新花落故栽燕拾還蓮井風吹上鏡臺倡

家愁

一作怨

思妾樓上獨徘徊啼看竹葉錦箋罷未成裁

同前

蘇子卿

中庭一樹梅寒多葉未開祇言花是一作似雪不悟有香

來上郡春恒晚高樓年易催織書偏有意教逐錦文回

同前

張正見

芳梅映紅

一作雲

野發早覺寒侵落遠香風急飛多花逕

深周人歎初標魏帝指前林邊城少灌木折此自悲吟

同前

江總

縹色動風香羅生枝已長天姬墜馬髻未挿江南璫轉

袖花紛落春衣共有芳羞作秋胡婦獨採城南桑

胡地少春來三年驚落梅偏疑粉蝶散乍似雪花開可
憐香氣歇可惜風相催金鏡且莫韻玉笛幸徘徊

臘月正月早驚春衆花未發梅花新可憐芬芳臨玉臺
朝攀晚折還復開長安少年多輕薄兩兩常唱梅花落
滿酌金卮催玉柱落梅樹下宜歌舞金谷萬株連綺甍
梅花密處藏嬌鶯桃李佳人欲相照摘葉牽花來並笑
楊柳條青樓上輕梅花色白雪中明橫笛短簫悽復切

誰知柏梁聲不絕

同前

盧照隣

梅嶺花初發
天山雪未開
處處疑花滿
花邊似雪回
因風入舞袖
襖粉向妝臺
匈奴幾萬里
春至不知來

同前

沈佺期

鐵騎幾時回
金閨怨早梅
雪中

一作寒

花已落
風暖葉應

開
夕逐新春管
香迎小歲杯
感時何足貴
書裏報輪臺

同前

劉方平

新歲芳梅樹繁苞四面同春風吹漸落一夜幾枝空小
婦今如此長城恨不窮莫將遼海雪來比後庭中

紫騮馬

梁簡文帝

古今樂錄曰紫騮馬古辭云十五從軍征
八十始得歸道逢鄉里人家中有阿誰又
梁曲曰獨柯不成樹獨樹不成林念娘錦
襖襠恒長不忘心蓋從軍久戍懷歸而作
也

賤妾朝下機正值

一作遇

良人歸青絲懸玉銙朱汗染香

衣驟急珂彌響踣多塵亂飛雕菰辛可薦故心君莫違

一作故人

心莫違

同前

梁元帝

長安美少年金絡錦連錢宛轉青絲鞵照耀珊瑚鞭

同前二首

陳後主

嫖姚紫塞歸蹀躞紅塵飛玉珂鳴廣路金絡耀晨輝葢

轉時移影香動屢驚衣禁門猶未閉連騎恣

一作莫

相追

蹀躞紫駟馬照耀白銀鞍直去黃龍外斜趨玄菟端垂
韉還細柳揚塵歸上蘭紅臉桃花色客別重羞看

同前

李燮

紫鷲忽踟躕紅塵起路隅園人移首宿騎士逐靡蕪三
邊追點虜一鼓定彊胡安用珂為玉自有汗成珠

同前

徐陵

玉鐙繡纏髻金鞍錦覆幪風驚塵未起草淺埒猶空角
弓穿兩兔珠彈落雙鴻日斜馳逐罷連翩還上東

同前

張正見

將軍入大宛善馬出從戎影絕乾河上聲流水

一作窟

窟

中似鹿猶依草如龍欲向空須還千

一作十

萬里試為一

追風

同前

陳暄

天馬汗如紅鳴鞭度九峻飲傷城下凍嘶依北地風笳

寒芳樹歇笛怨柳枝空橫行意未已羞往

一作住

轅車中

同前

祖孫登

候騎隔樓蘭，長城迴路難。
嘶從風處斷，骨住水中寒。
飛塵暗，金勒落，淚灑銀鞍。
抽鞭上關路，誰念客衣單。

同前

獨孤嗣宗

倡樓望早春，寶馬度城闔。
照耀桃花逕，蹀躞採桑津。
金羈麗，初景玉勒染輕塵。
遠聽珂驚急，猶是畫看人。

同前

江總

春草正萋萋，蕩婦出空

一作金

閨。識是東方騎，猶帶北風

嘶。揚鞭向柳市，細蹀上金堤。
願君憐織素，殘妝尚有啼。

同前

盧照隣

騶馬照金鞍，轉戰入皋蘭。
塞門風稍急，長城水正寒。
雪暗鳴珂重，山長噴玉難。
不辭橫絕漠，流血幾時乾。

同前

李白

紫騶行且嘶，雙翻碧玉蹄。
臨流不肯渡，似惜錦障泥。
白雪關山^{一作城}遠，黃雲海樹^{一作戍}迷。
揮鞭萬里去，安得念

變^{一作}春閨

同前

李益

爭場看鬪雞白鼻紫騮一作騮嘶漳水春歸晚叢臺日向

低歇鞍珠作汗試劍玉如泥為謝紅梁鷺年年安獨棲

同前

秦韜玉

渥洼奇骨本難求況是豪家重紫騮臙大宜懸銀壓鈐

一作勝

力渾欺却玉銜頭生獐弄影風隨起躑躅衝塵汗

滿溝若遇丈夫皆調御任從騎一作驅取覓封侯

驄馬

車數

一曰驄馬驅皆言關塞征役之事

驄馬鏤金鞍
柘彈落金丸
意欲驂驛

一作走先

作野遊

盤平明發下蔡日中過上蘭路
遠行須疾非是畏人看

同前

劉孝威

十五官期門二十屯邊徼
犀羈玉鏤鞍寶刀金錯鞘
一隨驄馬驅分受青蠅吊
且令都護知願被將軍照
誓使羶衣鄉掃地無遺噍

同前

王由禮

善馬金羈飾躡影復凌空
影入長城水聲隨胡地風
控

歛青門外珂喧紫陌中行行若一作苦不倦唯當御史驄

同前

李羣玉

浮雲何權奇絕足勢

一作世

未知長嘶青海風躑躅振雲

絲由來渥洼種本是蒼龍兒穆滿不再活無人崑閬騎
君識躍嶠怯寧勞耀金羈青芻與白水空笑駑駘肥伯
樂儻一見應驚耳長垂當思八荒外逐日向瑤池

驄馬曲

紀唐夫

連錢出塞蹋沙蓬豈比當時御史驄
逐北自諳深磧路

連嘶誰念靖邊功
登山每與青雲合
弄影應一作知碧

草同今日虜平將
換妾不如一作知羅袖舞春風

驄馬驅

梁元帝

朔方寒氣重
胡關饒苦霧
白雪晝凝山
黃雲宿埋樹
連翩行役子
終朝征馬驅
試上金微山
還看玉關路

同前

劉孝威

翩翩驄馬驅
橫行復斜趨
先救遼城危
後拂燕山霧
風傷易水渚
日入隴西樹
未得報君恩
聯翩終不住

同前

徐陵

白馬號龍駒雕鞍名鏤衢

一作渠

諸兄二千石小婦字羅

敷倚端輕掃史召募擊休屠塞外多風雪中絕詔書
空憶長湫下連蹠復連蹠

同前

江總

長城兵氣寒飲馬詎為難暫解青絲轡行歇鏤衢鞍白
登園轉急黃河凍不乾萬里朝飛電論功易走丸

雨雪

陳後主

采薇詩曰昔我往矣楊柳依依今我來思
雨雪霏霏穆天子傳曰天子遊於黃室之
曲筮獵平澤天子乃休日中大寒北風雨
雪有凍人天子作詩三章以哀之曰我徂
黃竹是也雨雪曲蓋取諸此

長城飛雪下邊關地籟吟濛濛九天暗霏霏千里深樹
冷月恒少山霧日偏沉沉聽南歸雁切思朝茄音

雨雪曲

江暉

邊城風雪至客子自心悲風哀笳弄斷雪暗馬行遲輕
生本為國重氣不關私恐君猶不信撫劒一揚眉

同前

張正見

胡關辛苦地雲路遠漫漫含冰踏馬足雜雨凍旗竿沙
漠飛恒暗天山積轉寒無因辭日逐團扇掩齊紈

同前

江總

雨雪隔榆溪從軍度隴西遶陣看孤迹依山見馬蹄天
寒旗彩壞地暗鼓聲低漫漫愁寒起蒼蒼別路迷

同前

陳暄

都尉出和連雨雪滿雞田
雕陵持抵鵲屬國用和糴冰
合軍應渡樓寒烽未然花迷
差未著疎勒復經年

同前

謝燮

朔邊昔離別寒風復淒切
戕戕六尺冰飄飄千里雪未
塞袁安戶行封蘇武節應隨
隴水流幾過空一作疑嗚咽

同前

李端

天山一丈雪雜雨夜霏霏
溼馬胡歌亂經烽漢火微
丁

零蘇武別疎勒茫歸若著關頭過長榆葉定稀

同前

翁綬

邊聲四合殷河流
雨雪飛來遍隴頭
鐵嶺探人迷鳥道
陰山飛將溼貂裘
斜飄旌旆過戎帳
半雜風沙入戍樓
一自塞垣無李蔡
何人為解北門憂

劉生

梁元帝

樂府解題曰劉生不知何代人齊梁已來
為劉生辭者皆稱其任俠豪放周遊五陵

三秦之地或云抱劍專征為符節官所未
詳也按古今樂錄曰梁鼓角橫吹曲有東
平劉生歌疑即此劉生也

任俠有劉生然諾重西京扶風好驚坐長安恒借名榴
花聊夜飲竹葉解朝醒結交李都尉遨遊佳麗城

同前

陳後主

遊俠長安中置驛過新豐擊鍾蒲壁磬鳴弦楊葉弓孟
公正驚客朱家始賣僮羞作荆卿笑捧劍出遼東

同前

張正見

劉生絕名價豪俠恣遊陪金門四姓聚繡轂五香來塵
飛馬腦勒酒映碑礫杯別有追遊夜秋窻向月開

同前

柳莊

座驚稱字孟豪雄道姓劉廣陌通朱邸大路起青樓要
賢驛已置留賓轄且一作仍投光斜日下霧庭陰月上鈎

同前

江暉

五陵多美選六郡盡良家劉生代豪蕩標舉獨榮華寶

劍長三尺金樽滿百花唯當重意氣何處有驕奢

同前

徐陵

劉生殊倜儻任俠遍京華戚里驚鳴筑平陽吹怨笳俗
儒排左氏新室忌漢家高才被擯壓自古共憐嗟

同前

江總

劉生負意氣長嘯且徘徊高論明秋水命賞陟春臺干
戈倜儻用筆硯縱橫才置驛無年限遊俠四方來

同前

弘執泰

英名振關右雄氣逸江東遊俠五都內去來三秦中
劍照七星影馬控千金驄縱橫方未息因茲定武功

同前

盧照鄰

劉生氣不平抱劍欲專征報恩為豪俠死難在橫行
翠羽裝劍鞘黃金飾馬纓但令一顧重不吝百身輕

樂府詩集卷二十四

欽定四庫全書

樂府詩集卷二十五

宋 郭茂倩 輯

橫吹曲辭

梁鼓角橫吹曲

古今樂錄曰梁鼓角橫吹曲有企喻瑯琊
王鉅鹿公主紫騮馬黃淡思地驅樂雀勞
利慕容垂隴頭流水等歌三十六曲二十

五曲有歌有聲十一曲有歌是時樂府胡
吹舊曲有大白淨皇太子小白淨皇太子
雍臺掄臺胡遵利羗女淳于王捉搦東平
劉生單廸歷魯爽半和企喻北敷胡度來
十四曲三曲有歌十一曲亡又有隔谷地
驅樂紫騮馬折楊柳幽州馬客吟慕容家
自魯企由谷隴頭魏高陽王樂人等歌二
十七曲合前三曲凡三十曲總六十六曲

江淹橫吹賦云奏白臺之二曲起關山之
一引採菱謝而自罷綠水慙而不進則白
登關山又是三曲按歌辭有木蘭一曲不
知起於何代也

企喻歌辭

四曲

古今樂錄曰企喻歌四曲或云後又有二
句頭毛墮落魄飛揚百草頭最後男兒可
憐蟲一曲是符融詩本云深山解谷口把

骨無人收按企喻本北歌唐書樂志曰北狄樂其可知者鮮卑吐谷渾部落稽三國皆馬上樂也後魏樂府始有北歌即所謂真人代歌是也大都時命掖庭宮女晨夕職之周隋世與西涼樂雜奏今存者五十三章其名可解者六章慕容可汗吐谷渾部落稽鉅鹿公主白淨皇太子企喻也其不可解者咸多可汗之辭北虜之俗呼主

為可汗吐谷渾又慕容別種知此歌是燕
魏之際鮮卑歌也其詞虜音竟不可曉梁
胡吹又有大白淨皇太子小白淨皇太子
企喻等曲隋鼓吹有白淨皇太子曲與北
歌校之其音皆異又有半和企喻北敷蓋
曲之變也

男兒欲作健結伴不須多鷄子經天飛羣雀兩向波
放馬大澤中草好馬著臙牌子鐵柄襠鉅鉞鷁尾條

前行看後行齊著鐵襠前頭看後頭齊著鐵鉞鉞
男兒可憐蟲出門懷死憂尸喪狹谷中白骨無人收

右四曲曲四解

琅琊王歌辭

古今樂錄曰琅琊王歌八曲或云陰涼下
又有二句云盛冬十一月就女覓凍漿最
後云誰能騎此馬唯有廣平公按晉書載
記廣平公姚弼興之子泓之弟也

新買五尺刀懸著中梁柱一日三摩娑劇於十五女
琅琊復琅琊琅琊大道王陽春二三月單衫繡襖襠
東山看西水水流盤石間公死姥更嫁孤兒甚可憐
琅琊復琅琊琅琊大道王鹿鳴思長草愁人思故鄉
長安十二門光門最妍雅渭水從隴來浮遊渭橋下
琅琊復琅琊女郎大道王孟陽三四月移鋪逐陰涼
客行依主人願得主人彊猛虎依深山願得松柏長
憎馬高纏繫遙知身是龍誰能騎此馬唯有廣平公

右四曲曲四解

鉅鹿公主歌辭

唐書樂志曰梁有鉅鹿公主歌似是姚萇
時歌其詞華音與北歌不同

官家出遊雷大鼓細乘犢車開後戶

車前女子年十五手彈琵琶玉節舞

鉅鹿公主殷照女皇帝陛下萬幾主

右三曲曲四解

紫騮馬歌辭

古今樂錄曰十五從軍征以下是古詩

燒火燒野田野鴨飛上天童男娶寡婦壯女笑殺人
高高山頭樹風吹葉落去一去數千里何當還故處
十五從軍征八十始得歸道逢鄉里人家中有阿誰
遙看是君家松柏冢累累兔從狗竇入雉從梁上飛
中庭生旅穀井上生旅葵春穀持作飯採葵持作羹
羹飯一時熟不知貽阿誰出門東向看淚落沾我衣

右六曲曲四解

黃淡思歌辭

古今樂錄曰思音相思之思按李延年造
橫吹曲二十八解有黃覃子不知與此同
否

歸歸黃淡思逐郎還去來歸歸黃淡百逐郎何處索
心中不能言復作車輪旋與郎相知時但恐傷人聞

江外何鬱拂龍洲廣州出

一作去

象牙作帆檣綠絲作幃

絳

綠絲何歲蕤
逐郎歸去來

右四曲曲四解

地驅歌樂辭

古今樂錄曰側側力力以下八句是令歌
有此曲最後云不可與力或云各自努力

青青黃黃雀石積唐槌殺野牛押殺野羊

驅羊入谷自羊在前老女不嫁踴地喚天

側側力力念君無極枕郎左臂隨郎轉側
摩捋郎鬚看郎顏色郎不念女不可與力

右四曲曲四解

雀勞利歌辭

雨雪霏霏雀勞利長喙飽滿短喙飢

右一曲曲四解

慕容垂歌辭

晉書載記曰慕容本名缺尋以識記乃去

夫以垂為名慕容雋僭號封垂為吳王徙
鎮信都太元八年自稱燕王

慕容攀牆視吳軍無邊岸我身分自當枉殺牆外漢
慕容愁憤憤燒香作佛會願作牆裏燕高飛出牆外
慕容出牆望吳軍無邊岸咄我臣諸佐此事可惋歎

右三曲曲四解

隴頭流水歌辭

古今樂錄曰樂府有此歌曲解多於此

隴頭流水流離西下念吾一身飄然曠野
西上隴阪羊腸九回山高谷深不覺脚酸
手攀弱枝足踰弱泥

右三曲曲四解

隔谷歌

古今樂錄曰前云無辭樂工有辭如此
兄在城中弟在外弓無弦箭無枯食糧之盡若為活救
我來救我來

右一曲

淳于王歌

肅肅河中育育我須含黃獨坐空房中思我百媚郎
百媚在城中千媚在中央但使心相念高城何所妨

右二曲

地驅樂歌

古今樂錄曰與前曲不同

月明光光星墮欲來不來早語我

右一曲

東平劉生歌

東平劉生安東子樹木稀屋裏無人看阿誰

右一曲

紫騮馬歌

古今樂錄曰與前曲不同

獨柯不成樹獨樹不成林念郎錦襖襠恒長不忘心

右一曲

捉搦歌

粟穀難舂付石臼
弊衣難護付巧婦
男兒千凶飽人手
老女不嫁只生口

誰家女子能行步
反著袂禪後裙露
天生男女共一處
願得兩箇成翁嫗

華陰山頭百丈井
下有流水徹骨冷
可憐女子能照影
不見其餘見斜領

黃桑柘屐蒲子履
中央有系兩頭繫
小時憐母大憐婿

何不早嫁論家計

右四曲

折楊柳歌辭

上馬不捉鞭反折楊柳枝
蹀坐吹長笛愁殺行客兒
腹中愁不樂願作郎馬鞭
出入擐郎臂蹀坐郎膝邊
放馬兩泉澤忘不著連羈
擔鞍逐馬走何得見馬騎
遙看孟津河楊柳鬱婆娑
我是虜家兒不解漢兒歌
健兒須快馬快馬須健兒
蹀跋黃塵下然後別雄雌

右五曲曲四解

幽州馬客吟歌辭

憎

一作快

馬常苦瘦勁兒常苦貧黃未起羸馬有錢始作

人

熒熒帳中燭燭滅不久停盛時不作樂春花不重生

南山自言高只與北山齊女兒自言好故入郎君懷

郎著紫袴褶女著彩袂裙男女共燕遊黃花生後園

黃花鬱金色綠蛇銜珠丹辭謝牀上女還我十指環

右五曲曲四解

折楊柳枝歌

上馬不提鞭反拗楊柳枝下馬吹長笛愁殺行客兒
門前一株棗歲歲不知老阿婆不嫁女那得孫兒抱
救救何力力女子臨窻織不聞機杼聲只聞女歎息
問女何所思問女何所憶阿婆許嫁女今年無消息

右四曲曲四解

慕容家自魯企由谷歌

郎在十重樓女在九重閣郎非黃鸝子那得雲中雀

右一曲曲四解

隴頭歌辭

隴頭流水流離山下念吾一身飄然曠野

朝發欣城慕容宿隴頭寒不能語舌卷入喉

隴頭流水鳴聲幽咽遙望

一作看

秦川心肝斷絕

右三曲曲四解

高陽樂人歌

古今樂錄曰魏高陽王樂人所作也又有
白鼻騮蓋出於此

可憐白鼻騮相將入酒家無錢但共飲畫地作交賒
何處謀觴來兩頰色如火自有桃花容莫言人勸我

右二曲曲四解

梁鼓角橫吹曲

雍臺

梁武帝

日落登雍臺佳人殊未來綺窗蓮花掩網戶琉璃開
羊

茸臨紫桂蔓延交青苔月沒光陰盡望子獨悠哉

同前

吳均

雍臺十二樓樓樓鬱相望隴回

一作西

飛狐口白日盡無

光

雍臺歌

溫庭筠

太子池南樓百尺八窻新樹疎簾隔黃金鋪首畫鉤陳
羽葆亭童拂交戟盤紆欄楯臨高臺帳殿臨流鸞扇開
早雁聲鳴細波起暎花鹵簿龍飛回

捉搦歌

張祜

門上關牆上棘窻中女子聲唧唧
洛陽大道徒自直女子心在婆舍側
嗚嗚籠鳥觸四隅養男男娶婦養女女
嫁夫阿婆六十翁七十不知女子長
日泣從他嫁去無悒悒

隔谷歌

古辭

兄為俘虜受困辱骨露力疲食不足
弟為官吏馬食粟何惜錢刀來我贖

幽州胡馬客歌

李白

幽州胡馬客綠眼虎皮冠
咲拂兩隻箭萬人不可干
彎弓若轉月白雁落雲端
雙雙掉鞭行遊獵向樓蘭
出門不顧後報國死何難
天驕五單于狼戾好凶殘
牛馬散北海割鮮若虎飡
雖居燕支山不道朔雪寒
婦女馬上咲顏如赭玉
盤飢入射鳥獸花月醉雕鞍
旄頭四光芒爭戰若蜂攢
白刃灑赤血流沙為之丹
名將古誰是疲兵良可歎
何時天狼滅父子得閒安

一作安閑

白鼻騮

溫子昇

少年多好事，攬轡向西都。
相逢狹斜路，駐馬詣當壚。

同前

李白

銀鞍白鼻騮，綠池障泥錦。
細雨春風花，落時一作春風
細雨落花

時揮鞭且一作直就胡姬飲

同前

張祜

為底胡姬酒，長來白鼻騮。
摘蓮拋水上，郎意在浮花。

太蘭詩二首

古辭

古今樂錄曰木蘭不知名浙江西道觀察
使兼御史中丞韋元甫續附入

唧唧復唧唧

一作促織
何唧唧

木蘭當戶織不聞機杼聲唯聞

女歎息問女何所思問女何所憶女亦無所思女亦無

所憶昨夜見軍帖可汗大點兵軍書十二卷卷卷有爺

名阿爺無大兒木蘭無長兄願為市鞍馬從此替爺征

東市買駿馬西市買鞍韉南市買轡頭北市買長鞭旦

一作辭爺孃去暮宿黃河邊不聞爺孃喚女聲但聞黃

河流水鳴濺濺旦辭黃河去暮至

一作宿

黑山頭不聞爺

娘喚女聲但聞燕山胡騎鳴啾啾萬里赴戎機關山度

若飛朔氣傳金柝寒光照鐵衣將軍百戰死壯士十年

歸歸來見天子天子坐明堂策勲十二轉賞賜

一作賜物

百

千彊可汗問所欲木蘭不用尚書郎

一作欲與木蘭賞不願尚書郎

願

馳千里足

段成式酉陽雜俎云願借明駝千里足

送兒還故鄉爺娘聞女

來出郭相扶將阿姊聞妹來當戶理紅妝小弟聞姊來

磨刀霍霍向豬羊開我東閣門坐我西間牀脫我戰時

袍著我舊時裳當窻理雲鬢挂一作對鏡帖花黃出門看

火伴火伴皆

一作始

驚忙同行十二年不知木蘭是女郎

雄兔脚撲朔雌兔眼迷離雙

一作兩

兔傍地走安能辨我

是雄雌

木蘭抱杼嗟借問復為誰欲聞所憾憾感激彊其顏老

父隸兵籍氣力日衰耗豈足萬里行有子復尚少胡沙

沒馬足朔風裂人膚老父舊羸病何以彊自扶木蘭代

父去秣馬備戎行易却紈綺裳洗却鉛粉妝馳馬赴軍

幕慷慨攜干將朝屯雪山下暮宿青海傍夜襲燕支虜
更攜于闐羌將軍待勝歸士卒還故鄉父母見木蘭喜
極成悲傷木蘭能承父母顏却卸巾韞理絲簧昔為烈
士雄今復嬌子容親戚持酒賀父母始知生女與男同
門前舊軍都十年共崎嶇本結兄弟交死戰誓不渝今
也見木蘭言聲雖是顏貌殊驚愕不敢前歎重徒嘻吁
世有臣子心能如木蘭節忠孝兩不渝千古之名焉可
滅

橫吹曲

江總

簫聲鳳臺曲
洞吹龍鍾管
鏜鏘漁陽攄
怨抑胡笳斷

樂府詩集卷二十五